

Oqaluuserisassanut nassuiaat

(Inatsisartut Siulittaasuat)

Immikkoortoq 159 ulloq 4. november aappassaaneerneqartussaagalarpoq. Immikkoortup aappassaaneerneqarnissaa novembarip ulluisa 18-iannut kinguartinneqarpoq.

Immikkoortup 159-ip qulequtaraa: Kalaallit Nunaata MARPOL-imut isumaqatigiisummi Ilanngussaq VI-mut atatillugu nunap immikkoortuatut tunuarsimaarfigineqarneranik Namminersorlutik Oqartussat atorunnaarsitsinissaat pillugu Inatsisartut aalajangiiffigisassaattut siunnersuut.

Immikkoortut 156 aamma 157 aappassaaneerneqarnissaat novembarip ulluisa 18-iannut kinguartinneqarpoq.

Immikkoortut taakku qulequtaraat:

Imm. 156: Kalaallit Nunaanni eqqartuussisarnermik inatsisip allangortinnissaanut inatsimmut missingiut (Pinerlunnernit eqqorneqartut inatsisitigut inissisimanerannik pitsanngorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allangortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernerannik peqqussummut missingiut pillugit Inatsisartut aalajangiiffigisassaattut siunnersuut, aamma

Imm. 157: Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnissaat pillugit inatsisissatut siunnersuummut missingiutip (Nuummi inissiisarfimmi kinguaassiuutitigut pinerluuteqarsimasut katsorsarneqarnissaannut inissanik pilersitsineq, ukiukitsunik pinngitsaaliilluni atoqateqarsimasoqartillugu pineqaatissiisutit sakkortusineqarnerat, inissiisarfinni imigassamik aanngajaarniutinillu atuinnginnissamat suliniutit, nikanarsaataasumik ajuallatsitaarujussuarnermi eqqunngitsuliorfigineqartoq suliassanngortitsinngikkaluartoq unnerluussisussaataasut pineqaatissiinertaqanngikkallartumik unnerluussisussaataanerat, inatsisit unioqqutillugit aningaasatigut iluanaaruteqartarnerup pinerluutinngortinnera, iluanaarutininik arsaarinnissinnaanerup annertusinera, aamma nakkutigineqartussanngorluni eqqartuunneqarnermut atatillugu tarnip pissusiinik ilisimasalimmit katsorsarneqarnissamat peqquneqarnej) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq immikkoortunut marlunnut, tassa 95-imut 107-imullu, isumaliutissiisuteqarpoq.

Immikkoortoq 95 ulloq 10. november immikkoortorlu 107 ulloq 11. november aappassaaneerneqartussaagaluarput.

Ataatsimiititaliap kissaatigaa immikkoortut pineqartut marluullutik ulloq taanna suliarineqassasut, taamaattumillu siulittaasoqarfimmuut inassutigineqarluni immikkoortut pineqartut taakku ulloq 11. november aappassaaneerneqassasut, taamaalilluni immikkoortoq 95-ip aappassaaneerneqarnissaa ullormik ataatsimik kinguartillugu ulloq 11. november pissalluni.

Immikkoortut 95-ip 107-illu qulequtaraat:

Imm. 95: Naalakkersuisut Kommune Qeqertalimmi aamma Avannaata Kommuniani campusimik pilersitsinissaq siunertaralugu suliniutit suut aallartinneqassanersut misissueqqullugit peqquneqarnissaannik Inatsisartut aalajangiiffingisassatut siunnersuut. Misissuinermini ilaatigut qulaajarneqassapput, Aasianni GUX-ip pitsaassusaanut aammalu tiguneqarnissamut toqqammavigisat allannguutaanngitsumik, Ilulissani GUX-imik pilersitsinissamut suliniutit pisariaqartut. Misissuineq juli 2022 naatinnagu saqqummiunneqassaaq, aamma

Imm.107: Nuna tamakkerlugu Aasianni inuussutissarsiornermik ilinniarfiliortoqassappat pittaaqutaanik ajoqutaanillu nassuiaammik UPA2023-imi saqqummiusseqqullugit Naalakkersuisut peqquneqarnissaannik Inatsisartut aalajangiiffingisassaattut siunnersuut. Naalakkersuisut nalunaarusiornermini ilinniartitaanerup iluani inuussutissarsiornermik ilinniarfimmik nutaaliorsiummik nutaamik sanasoqarnissaanut pisariaqartitsisoqarnera eqqarsaatigissavaat.

Immikkoortup 24-p pingajussaaneerneqarnissaa maanna novembarip ulluisa 18-iannut inissinneqarpoq.

Immikkoortup 24-p qulequtaraa: Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat nr. xx, xx.xxx 2021-meersoq

Ilaasortat uku akornanni taasisarnerit pillugit isumaqatigiissuteqartoqarpoq:

Múte Bourup Egede, Inuit Ataqatigiit aamma Erik Jensen, Siumut.

Pipaluk Lynge-Rasmussen, Inuit Ataqatigiit aamma Vivian Motzfeldt, Siumut.

Sofia Geisler, Inuit Ataqatigiit aamma Anders Olsen, Siumut.

Agathe Fontain, Inuit Ataqatigiit aamma Mala H. Kuko, Siumut.